



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Acta Synodalia Osnabrvgensis Ecclesiæ, Ab Anno Christi
MDCXXVIII.**

Brogberen, Johannes

Coloniæ Agrippinæ, 1657

Intra annum saltem semel communicandum. 21

urn:nbn:de:hbz:466:1-14298

*Hono. 3. c.
fam. de
celeb. Miss.
Ex Conc.
e. Pres.
de conf.
diss. 2. in
c. sane.*

mente adoret Crucifixum ; facturus idem, quum Presbyter defert ad infirmum Eucharistiam ; quam ob id paratam semper habere debet, ut, quando quis infirmatus fuerit, statim eum communicet, ne fine communione decedat. Quod faciens, decenti habitu induitus, hanc salutarem Hostiam palam ac honosifice ante pectus cum omni reverentia & timore ferat & referat, lumine semper praecedente, ut hoc signo populus intelligat, illic eum esse presentem qui est candor lucis aeternae. Hac denique sacrosancta Hostia reponatur in loco singulari, mundo & signato ; honorificeque collocata, devote ac fideliter conservetur.

C A P. X V I I . *Quomodo tantum miraculum in hoc Sacramento fiat, populus docendus.*

*I Cor.
II.
Ioan. 6.*

D Ocendus item est populus ; quod tantum miraculum in hoc Sacramento virtute Christi fiat, non ex merito Sacerdotis. Quod & in ceteris Sacramentis obtinet. Nam intra sanctam Ecclesiam Catholicam, in mysterio Corporis Christi, nihil a bono magis, nihil a malo minus, perficitur Sacerdote : quia non in merito confecrantis, sed in verbo efficitur creatoris, & in virtute Spiritus sancti. Si enim in merito esset Sacerdotis, nequam ad Christum pertineret. Nunc autem, sicut ipse est qui baptizat, ita ipse est qui per Spiritum sanctum hanc suam efficit Carnem, & transit vinum in Sanguinem. Sed hoc tantum interest, quod malus Sacerdos sibi tantum nocet, indigne tanta mysteria tractans. Nam quod ad veritatem Corporis Domini attinet, ita percipit hic cui dicit Apostolus, Qui manducat indigne, iudicium sibi manducat ; sicut is cui dicitur, Qui manducat meam Carnem, & bibit meum Sanguinem, in me manet, & ego in eo.

C A P. X V I I I . *Quomodo admonenda plebs, ad sumendum Eucharistiam accedens.*

*I Cor.
II.*

P Retera instituenda plebs est, quod Eucharistia sumenda sit ; & in primis admonenda, quam grave crimen sit, ad tanti Sacramenti participationem indigne accedere. Nam Apostolus ait : Quicunque mandaverit panem hunc & biberit Calicem Domini indigne, reus erit Corporis & Sanguinis Domini. Et iterum hanc horrendam sententiam congerminans : Qui, inquit, manducat & bibit indigne, iudicium sibi manducat & bibit, non dijudicans Corpus Domini. Ideoque (uti subjicit) multi inter vos infirmi & imbecilles sunt, & dormiunt multi. Quod si nos ipsos dijudicaremus, non utique judicaremur.

C A P. X I X . *Qui ad hoc Sacramentum participandum admittendi.*

P Roinde nemo admittendus est, nisi ejus conscientia Parocho sit, aut cui potetas super hac re legitime facta est, per exomologis explorata, & qui penitenti ac contrito corde Corpus Domini dijudicans acceperit; quod jubet Apostolus, quum ait : Probet *I Cor.* autem semetipsum homo, & sic de Pane illo *II.* edat, & de Calice bibat ; ne cum Iuda, qui *Ioan. 13.* cenae Dominicæ ad iudicium interfuit, locum diabolo præbeat. Mens ergo ab omni affectu peccandi longe absit. Nam, si adhuc *Aug. 1.* habet voluntatem peccandi, gravatur magis *quoti, de* *Eucharistiae perceptione, quam purificatur.* At contra, quamvis quis peccato mordeatur, *conf. diss.* si tamen peniteat, & de cætero peccandi voluntatem nullam habeat, confidens de *2.* Domini miseratione, accedat ad Eucharistiam intrepidus & securus.

C A P. X X . *Quatenus, alteri quam suo Parocho confessus, ad Eucharistiam admittendus.*

Q Vi alteri quam suo Parocho confessus est, is, si non facta Confessionis suspensus habeatur, testimonium adferet, se confessum esse. cuius etiam conscientiam verus ipse Parochus in principalibus Christianismi articulis excutere non omittet. Ac generaliter singuli Parochiani rudiiores, anno saltem semel, quum adibunt mensam Dominicam, examinandi prius in praceptis Domini, articulis fidei, oratione Dominicana, ac Ecclesiæ Sacramentis, maxime Baptismi & Eucharistiae.

C A P. X X I . *Intra annum saltem semel communicandum.*

E T, ut cohortandus est populus, quo saepius numero communicet, quemadmodum olim singulis diebus Dominicis fieri consuevit ; (quod quidem nunc quo minus fiat, per Laicos stat, quibus non debet celestis ille cibus invitatis aut naufragiis obtrudi;) ita ut minimum populus ipse in disciplina Ecclesiastica retinendus est, ut saltem toto anno semel ab omnibus, qui ad discretionis annos pervenissent, Confessis & Contritis, Eucharistia summa cum reverentia suscipiantur. Olim, qui non communicassent in anno saltem ter, in Pascha videlicet, Pentecoste, & Natali Domini, inter fideles Catholicos non connumerabantur : sed quam sensim omnis penè refrixerit charitas, in hoc quoque Ecclesiastica disciplina cœpit esse remissior.

C A P.